

JONES, WILLIAM (1834 - 1895), Abergwaun, gweinidog gyda'r Bedyddwyr

Enw: William Jones
Dyddiad geni: 1834
Dyddiad marw: 1895
Rhiant: John Robert Jones
Rhyw: Gwryw
Galwedigaeth: gweinidog gyda'r Bedyddwyr
Maes gweithgaredd: Crefydd
Awdur: Benjamin George Owens

Ganwyd yn y Brymbo 10 Awst 1834, yn fab i [J. R. Jones](#) ('Alltud Glyn Maelor') (1800 - 1881) ac yn frawd i'r Parch. J. R. Jones, Pontypridd (1846 - 1908). Ymaelododd yn eglwys Fedyddiedig y Brymbo 4 Rhagfyr 1853, dechreuodd bregethu 25 Tachwedd 1855, a derbyniwyd ef i Goleg Hwlfordd yng Ngorffennaf 1858. Ordeiniwyd ef ym Mhen-y-ffron, Sir y Fflint, yn 1860, a symudodd oddi yno i'r Bargoed, 1864; Hermon, Abergwaun, 1869; Heol-y-castell, Llundain, 1883; ac yn ôl drachefn yn niwedd 1884 i Abergwaun, lle y treuliodd weddill ei oes hyd ei farw, 24 Mawrth 1895. Claddwyd ef ym mynwent Hermon. Collasai ei briod y flwyddyn gynt, a gadawodd ddau fab. Bu'n gadeirydd cymanfa Penfro, 1878, a llywydd Undeb y Bedyddwyr, 1894. Yr oedd yn feddyliwr arbennig o graff, ac ystyrid ef, gan w r cymwys i farnu, yn bregethwr hynod yn herwydd naws athronyddol ei bregethau. Golygwyd cyfrol o'r pregethau hyn gan T. T. Jones, Caerdydd, dan y teitl *Yr Angel Mawr a'r Llyfr Bychan* (Llangollen, 1899), a chyhoeddwyd pigion o'i ddywediadau dan y teitl *Drychfeddyliau Detholedig* (London, 1907). Yr oedd hefyd yn ddarlithydd poblogaidd ar destunau fel 'Prometheus,' 'John Bunyan,' a 'Charles Dickens.'

Awdur

Benjamin George Owens

Ffynonellau

Yr Angel Mawr a'r Llyfr Bychan pregethau (Llangollen 1899) (rhagair; llun)

Drychfeddyliau Detholedig allan o ddywediadau pregethwrol y diweddar Barch. William Jones, Abergwaen y rhai a gafwyd yn nghofnodiau Mrs. Williams, Abergwaen; ac a adolygwyd gan John Thomas, Lerpwl; gyda chymeradwyaeth oddiwrth y gwir anrhydeddus D. Lloyd-George (Llundain 1907) (rhageiriau; llun)

beddargraff

Seren Cymru, 3 Tachwedd 1882, 14 Ionawr a 4 Chwefror 1883, 9 Ionawr 1885, 29 Mawrth a 5 Ebrill 1895, 19 Gorffennaf 1907

Y Greal sef Cylchgrawn Misol at wasanaeth y Bedyddwyr, 1895, 139, 266; 1900, 1, 39; 1908, 244

Hanes y Bedyddwyr yn Nghymru, iv, 102

Baptist Handbook, 1896, 159

Dyddiadur a Llawlyfr Undeb Bedyddwyr Cymru, 1896, 116-7

Y Geninen, 1896, 242-4

E. K. Jones, 'J. R. Jones ("Alltud Glyn Maelor"),' yn *Trafodion Cymdeithas Hanes Bedyddwyr Cymru*, 1942, 33-44

Y Wawr sef cylchgrawn misol y Bedyddwyr Cymreig yn America, 1878, 50; 1895, 153

Dolenni Ychwanegol

VIAF: [103074412](#)

Wikidata: [Q20734665](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Nghymru a thu hwnt.

Ewch i'n [tudalen codi arian](#) am ragor o wybodaeth.

